

Tidak perlu heboh makmal, komputer

lewat: PM
BH 6 JAN 2002

PUTRAJAYA: Isu kelewatan pembinaan projek makmal komputer tidak perlu digembar-gemburkan bagi memberi peluang kerajaan mengkaji dan menyelesaikan masalah berbangkit, kata Datuk Seri Dr Mahathir Mohamad.

Perdana Menteri berkata, kerajaan berusaha menyelesaikan masalah itu tetapi pada masa sama, pihak yang terbabit saling menuding jari menyalahkan orang lain.

"Saya nampak banyak sangat masalah, masing-masing kata orang lam salah, orang ini salah. Janganlah gembar-gembur sangat... beri peluang kepada kita kaji pasal apa benda ini berlaku.

"Kita menghadapi banyak masalah. Kalau di negara lain nak bagi kontrak, ia diberi kepada orang terbaik yang mampu melakukannya. Tetapi di Malaysia ini, kita nak ambil kira kontraktor kecil, kontraktor Bumiputera dan kita nak kena ambil kira pula sama ada dia layak atau tak layak," katanya ketika menghadiri majlis rumah terbuka Aidilfitri Kementerian Luar di Wisma Putra di sini, semalam.

Kira-kira 3,000 orang menghadiri majlis itu termasuk duta dan pesuruhjaya asing. Hadir sama Menteri Luar, Datuk Seri Syed Hamid Albar dan timbalannya, Datuk Dr Leo Micheal Toyad.

Di majlis itu, Dr Mahathir turut memotong kek dan menerima sumbangan RM35,000 untuk Tabung Afghanistan yang didermakan oleh kakitangan Wisma Putra di dalam dan luar negara.

Perdana Menteri bagaimanapun berkata, beliau tidak tahu menahu mengenai empat kontraktor utama yang diberikan kontrak pembinaan projek makmal komputer, ditamatkan kontrak mereka kecuali menyiasat dahulu di Kementerian Pendidikan.

Beliau berkata, sebenarnya pembinaan projek makmal komputer itu perkara baru dan sebelum ini tiada masalah membina beratus-ratus sekolah sekalipun.

"Jadi kita nak projek untuk komputer ini dibuat dengan cepat. Kadangkadang orang kita ini kalau tak ada tempat khusus untuk komputer tak boleh buat kerja pada hal kita tengok komputer di mana-mana saja ada.

"Di bangunan ini (Wisma Putra), pun bukan ada tempat khas untuk komputer...atas meja saja pun boleh letak komputer. Kalau tak ada tempat (di sekolah), tempatkan di bilik darjah," katanya.